



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1230. Usque Ad Annum 1248

Fleury, Claude

August. Vind. [u.a.], 1764

VD18 90118049

§. 24. Congregatio præmissa.

[urn:nbn:de:hbz:466:1-66268](https://nbn-resolving.org/urn:nbn:de:hbz:466:1-66268)

Suessius Eques ac legum Doctor; nomi- Sæcul. XIII.
ne Regis Anglorum Comes Bigodus, a- A.C. 1245.
llique viri nobiles, & quorundam Princi-
pum Oratores.

Comparebant centum quadraginta Præfules tum Episcopi tum Archiepiscopi, quos autoritate præcedebant tres Patriarchæ Latini Constantinopolitanus, Antiochenus, & Aquilejensis seu Vene-tus. Multi etiam Procuratores Præsu-lum absentium, quos excusabant, & Ca-thedralium Collegiorum Nuncii aderant. Abbas ad S. Albanum in Anglia mona-chum misit, quem Clericus comitabatur: & ex his sine dubio Matthæus Paris e-jusdem cœnobii Religiosus singulas hu-jus concilii res comperit, quas in historia sua enarrat. Ex Hungaria a Tartaris vastata nemo, ex Germania pauci Præ-sulum venere ob dissidium inter Papam & Imperatorem, per quem illud eis non licebat. Præfules Terræ sanctæ ne vo-cari quidem poterant ob incursionem Co-resmianorum. Solus Episcopus Bery-tensis adfuit, tristis hujus rei nuncius, & omnium illius regionis Christianorum Procurator.

§. XXIV.

Congregatio præmissa.

Die lunæ post festum S. Joannis, vigesi- 26. Jun.
mo sexto Junii an. 1245 Papa con-
cilli

Sæcul. XIII.

A. C. 1245.

cilii materiam præparaturus, in triclinio Religiosorum S. Justi, apud quos habitabat, congregationem habuit. Patriarcha Constantinopolitanus exponebat statum Ecclesiæ suæ, quæ antea Suffraganeos plures quam triginta numerasset, quorum vix tres superessent. Græcos aliosque Romanæ Ecclesiæ inimicos totum pene Romanæ Imperium usque ad portas Constantinopolis occupasse. Sic Ecclesiam suam in summum contemptum venire, quamvis per privilegium præcedat Antiochiam primam S. Petri sedem, sed tunc Græcorum Imperio subiectam.

Deinde mentio fiebat de Edmundo Archiepiscopo Cantuariensi inter Cælitates referendo, cujus sanctitatem Deus per miracula evidentia demonstraret secundum testimonia octo Archiepiscoporum, & viginti circiter Episcoporum: petebatur etiam, ut ille actus, quo solentior esset, in concilio fieret. Sed Papa dixit: *Urgent nos ponderosa Ecclesiæ negotia, quæ moram non patiuntur: hoc proinde differendum est, quod haud negligemus, si Deus vitam nostram conservaverit.*

Thaddæus Sueffius afferebat, Imperatorem Fridericum Dominum suum, ut pacem & Papæ amicitiam recuperet, velle Ecclesiæ legibus Imperium Romanæ rursus subicere; se Tartaris, Cores-

mia-

mianis, Saracenis, cæterisque Ecclesiæ hostibus opponere; suis sumptibus Terram sanctam adire; eam a præsentepiculo liberare, ac priorem in statum pro viribus redigere; denique Ecclesiæ Romanæ ablata reddere, atque injurias ei factas compensare. Papa exclamabat: *O grandia promissa! sed nunquam servata sunt, nec servabuntur unquam. Satis constat ea fieri ad evitandum idum imminentem, & ad illudendum postea concilium. Dominus tuus nuper pacem juravit: observet eam secundum formulam juramenti sui: & acquiesco. At si, quæ offert, acciperem, & ille revocaret, ut plane metuendum, quis vadem ageret? quis eum dicto stare cogeret?* Rex Gallorum ac Rex Angliæ, reposuit Thaddæus. Tum Papa, *Nolumus, inquit. Nam si a pactis discederet, ut ex præteritis prævidemus, promissorum fidem ab his Regibus exigere cogeremur; ac Ecclesia tres potentissimos Principes profanos sentiret hostes.* Thaddæus neque fatis amplam potestatem accipiendæ conditionis a Papa oblatæ, neque tempus sufficiens ad conficiendum negotium habens, ad triste silentium compulsus est.

Galeranus Episcopus Berytensis, qui Coresmianorum incursum notitiam attulerat, Fratrem Arnoldum Dominicanum itineris sui socium legere jussit Præsulum litteras, illius calamitatis relationem con-

Hist. Eccles. Tom. XX.

H h tinen-

26. Jun.

Æcul XIII.
A. C. 1245.

Sæcul. XIII. A. C. 1245. tinentes, quæ præsentibus omnibus la-
chrymas exciverunt. Atque hæc sunt,
quæ in hoc concilii præludio agebantur.

§. XXV.

Sessio prima.

28. Jun. *p. 637. 638.* *Conc. p. 666.* *Ughell. to. 5. p. 88.* Prima sessio solennis biduo post fiebat, nimirum die Mercurii 28 Junii in pervigilio S. Petri. Eo die Papa cæterique Præsules omnes Pontificiis insignibus instructi in metropolitanum S. Joannis templum se contulere: ubi Papa, cum sacrificium peregisset, elatum conscendit locum; ad dextram Imperator Constantinopolitanus, ad lævam alii Principes profani confidebant; tum Procancellarius Martinus Neapolitanus Cardinalis Diaconus cum Notariis, Auditoribus, Correctoribus, Præfectis sacrarii, Hypodiconis, & quibusdam aliis. In loco minus alto sedebant Præsules hoc modo; ex adverso Papæ tres Patriarchæ, Constantinopolitanus ex parte dextera, deinde Antiochenus, & Aquilejensis tertius. Is etiamnum erat Bertholdus Moraviæ Ducis filius, summis Pontificibus diu exosus velut addictus Friderico Cæsari, & postea pacis foedere an. 1230 comprehensus. Reliqui duo Patriarchæ perhibebant, non convenire, ut ille sibi assisteat, cum non esset e numero quatuor
vete-